

حقوقی بیلگیلر مجموعه سی

صَاحِبْ وَسْرَحْرَدِي: پَارِسْ حُقُوقْ فَاكُولْتِهْ نِي دُوقُورِي

آدوقات میلادی غادرانقو

هیئت تحریریه

موسیو آتیل دستر: پارس حقوق فاکولته سی
مدرس لرندن

موسیو شارفرده: پارس حقوق فاکولته سی
فخری مدرس

موسیو ا. سالام: حقوق دول مجموعه سی
هیئت تحریریه سندن

باهر بک: احضار قوانین قومیسینو اعضاء سندن
محمد طلعت بک: آدوقات

موسیو آ. پلیرنی: پارس حقوق فاکولته سی
دوقوروی

فراد خلو سی بک: محکمه تمیز اعضاء سندن

صبری بک: عدلیه وکالتی حقوق ایشلری مدبری

مصطفی رشید بک: استانبول حقوق فاکولته سی
مدرس لرندن

احمد رفیع بک: استانبول اجرا رئیس

احمد صمیم بک: استانبول حقوق فاکولته سی
مدرس لرندن

موسیو شارل قروزا: استانبول حقوق فاکولته سی
مدرس لرندن

آدرهس: غلطه ده بختیار خان آدوقات میلادی غادرانقو بکک یازمخانه سی
تلفون: بک اوغل ۳۰۰۹

بهر نسخه نك بدلی ۳۵ غروشدر

بر سهك آونمانی پوسته اجرتیله برابر ۴۰۰ غروشدر

تورکیا خارجی ایچون ۵۰۰ غروشدر

کاغذ حیق و مطبعه جیق آتویم شرکتی — استانبول

۱۹۲۸

اقامتگاهی مجهول اولانلره تبلیغات، مدعی ومباشرلرک مسئولیتی

پارس استیفاف محکمه سنک بر قرار ی

5 خیزران 1928

1 — حقوق اصول محاکمهری قانون سنک 141 نجی ماده سی موجبجه « اقامتگاهی ومسکنی مجهول اولانلره تبلیغ اعلاناً یابیلیر . »

برکیمه سنک نه وقت ونه شرائط داخلنده اقامتگاهی مجهول عد اولونمق ایجاب ایدجکی حتمده یکی حقوق اصول محاکمهری قانونی شرحدده تفصیلات ویردم . 141 ماده شرحی نومرو: 1 .

2 — بومقاله مزده پارس استیفاف محکمه سنک بوباده پک کوزل بر نمونه تشکیل ایدبیلجک بر قرارینی ذکر وتخیل ایدیورز .

Raimbert وشریکلری ، 6 کانون ثانی 1923 تاریخنده مادمازل Baquet علیه 1087 فرائقک تخصیلنه دائر حکم غیابی استحصال ایندکدن صوکره بو مبلغی استیفا ضمنده مومی الیهانک پارسده بولونان بر عرصه سنی حجز وفروخت ایتدیرمشلردر . صائشه قدر ، مومی الیهانک اقامتگاهی مجهول عد اولوناراق بوتون تبلیغات ، مدعی عمومیلکه (بزده نوشاتل ، آلمانیاذه کی اعلاناً تبلیغاتنه مقابلدر) یابیلیمشدر . مادمازل Baquet حکم غیابیدن واجرا تعقیباتنه آنحق عرصه سنک احاله قطعیه سندن بر قاق آی صوکره خبردار اوله بیلیمشدر . مادمازل بوآراق Commercy شهرینک والی معاونی T ایله اولنه رک اوراده برلشمشدر . آرتق مادام T اولان مادمازل کرک مدعیدن وکرک مباشرلردن کندیسنک اقامتگاهی معلوم اولدینی حالده مجهول کبی تبلیغاتی مدعی عمومیلکه یابیدردقلرندن دولایی تضمینات ادعا ایدیور .

تبلیغاتک شکل جریاننه کلنجه Rambert شرکاسی تبلیغاتی یاهحق مباشره ، مدیونه نک اولجه پارسده F. سوقاغنده 4 نومروده بالاخرده P بولوارینک 188 bis نومروسنده

اقامت ایتدیکنی فقط الیوم فرانسه ده کی اقامتگاه ومسکنی مجهول اولدیغنی بیلدیرمشدور .
فی الحقیقه مدعیلرک کانون ثانی 1922 تاریخده Bagnét دیه (اسمده ایکی حرف یا کلشی
واردور) مدعی علیک ایلک آدره سنه یازدقاری مکتوب ، مرسل الیهک غیر معلوم اولدیغنی
شرحیله کندیلرینه اعاده ایدلمش و اقامتگاهی بولمق اوزره پولیس مرکزنده اجرا ایتدکلری
تحقیقات ده فائده لی اولماشدر .

3 — پارس استیناف محکمه سی ؛ ایکی سنه سوکرا ابتداء پایلمش اولان سطحی
بر تحقیقاتک ، اقامتگاهک مجهول عدا ایدلمسند کافیه اولمه جغنی قناعتند بولنشدور . بالخاصه ،
بوایکی سنه ظرفنده حقیقی اقامتگاهی کشف ایتدیره جک آز بوجوق قطعی بر ایز بولنمش
ایسه او ایز اوزرنده ده یورومک لازمدر . حادثه ده اعلام غیابی بی تبلیغه مأمور اولان
مباشر ، پولیسک تحقیقاتندن براق آی سوکره ، تبلیغ ایچون مدعی علیک F سواقانده
1. نومرولی اقامتگاهنه کیتمش وقابوجی طرفندن مادمازلهک P. بولوارینک 188 bis
نومروسنه نقل ایتدیکی بیلدیرلمسی اوزرینه مباشر بوصوک محله ده کیده رک کندیسنی
صورمشدور . اوراده قابوجی مادمازلهک اقامتگاهی تکرار M سواقانک 9 نومروسنه نقل
ایتدیکنی بیلدیرمشدور . M سواقانده کی خانه قابوجیسی ایسه او کون ایچون اوده بواسمه
کیسه بولنادیغنی و کندیسنی یکی کلدیکندن اولجه جیقمش کیراجیلری بیلمدیکی افاده
ایلشدور . بونک اوزرینه مباشر مدعی علیک اقامتگاهی مجهول عدا ایدرک اوراق مدعی
عمومیلک تبلیغ ایتشدور . محکمه ، M سواقانده کی قابوجینک افاده سی ایله ، P بولوارنده کی
قابوجینک افاده سی آراسنده بر مبیانت بولنادیغنی و M سواقانی قابوجیسنک بیانلندن
ساده جه مادمازلهک اورادنده طاشیندیغنی آکلاشیلدیغنی و حالوکه مباشرک ؛ بو بایده
عدم معلومات بیان ایتمش اولان قابوجینک افاده سی ایله اکتفا ایدجک یرده او صاحبی
ویا مستأجر و یادآره مدیری نزدنده تحقیقات یاپارق مادمازله کی یکی اقامتگاهنه قدر تعقیب
ایده یله جکنی ونه کیم دیگر برایشده دیگر بر مباشرک مادمازلهک اقامتگاهی نقل ایتدیکی
یرلری برر برر تعقیب نتیجه سننده کندیسنی فعلاً Commercé شهرنده بولوندیغنی
نظر دفته آلهرق اعلام غیابی بی تبلیغ ایدن مباشری ، اعلام غیابی تبلیغاته اعتماد ایدرک
ساده جه P بولوارینک بولوندیغنی پوسته مرکزندن تحقیقات ایله اکتفا ایتدیکی ایچون
اجرا مباشرینی قصورینه بناءً مشول عدا ایتشدور .

بو قصور مادمازل ایچون پک عظیم بر ضرری انتاج ایتمشدر . چونکه کنديسی ایچون تأديهی پک قولای اولان بر بورج سبيله پک قیمتی بر عرصهسی اوجوز فیأله صائمشدر .

4 — استیناف محکمهسی، اسباب موجب اوارق خلاصه دیورکه: آنجق، جدی بر تحریات ایله اقامتکاهی میدانه چیقارمق امکانی اولمایان احوالده در که اقامتکاه مجهول عد اولونور ومدعی عمومیلکه تبلیغات پایلایلیر. وهر مباشر کنديسنه ویریلن معلوماته نظراً شخصاً تحریات ایله مکلف اولوب مدعینک و اولجه تحقیقات یامش اولان مباشر لرك افاده لریله اکتفا ایدمهز. بناءً علیه قصور لری سبيله هرایی مباشرده حقوق عادیه احکامی دائره سنده مسئولدر .

و کذلک، هر مدعی، خصمنی بولق ایچون آئنده کی بالعموم واسطه لره مراجعت ایتمک لازمدر . مباشرک بو بایده کی تحقیقاتنه اساس اولایله جک بیلدیکی بالعموم تفصیلاتی کنديلرینه بیلدیرمک مجبوریتنددر. بیلدیرمز و پولیسده مباشرک تحقیقاتی مشکلات کسب ایدهرسه مدعی یهده بر حصه مسئولیت توجه ایتمک ضروریدر .

5 — پارس استیناف محکمهسی قراری پک جدی سبیره استناد ایدیور . اصول محاکمه قانونمز موجبجه محکمهده حاضر بولنمایان طرف ، مسئله مادیه بی اقرار ایتمش عد اولونور. بناءً علیه هیچ بر بورجی اولمایان کیمسه نك دعواند خبردار اولماق سزین مهم مقدار لره محکوم اولسی ، اموال و اشیا سنک صائلسی چوق ممکندر . شو حالده مدعی ، خصمنی بولق ایچون هر درلو تحریاتی یامق ، مدعی علیی ، اقامتکاهی نقل ایتدیکی بیلدیریلن هر یرده تعقیب ایتمک لازمدر. بونک ایچون پولیس مرکز لرندن و خان اوطه باشیلرینک، اوتلجیلرک طوندقلری دفتر لردن مدعی علیی، اقامتکاهی نقل ایتدیکی آکلاشیلان هر یردن تحقیق ایدهرک اونک دعوا کوننده کی تعقیب ایدهرک حقیقی اقامتکاهی کشف ایچون هر شیئی یاهه جق و اوندن صوکر اقامتکاهی مجهول دیه اعلاناً تبلیغات قراری ایسته یه جکدر . حقیقتده یالکز فراریلرک اقامتکاهلرینی مجهول عد ایتمک ایجاب ایدهر . کذلک مباشر ، مدعینک و بره جکی الک اوفق بر ایزی اهل ایتمه رک بالذات تعقیبات و تحقیقات یاهه جقدر .

قانونمز کوره اقامتکاهی مجهول عد ایتمکده مباشر سربست دکلددر . مباشر، حقیقی

اقامتگاهي بولق ايچون ياديني تحرياتي و تدقيقات حاكمه بيلديرر، حاكم وضعيتي ملاحظه ايدر. يا اقامتگاهي مجهول عد ايدر و يا خود مباشر كتيره چكي تفصيلاتي مدعينك ايضاحاتي نظر دفته آله رق ديكر نوع تحقيقات اجراسي امر ايدر. هر حاله و داتما بر محله مختارينك مهربنه اعتماد اولنما ايدر. محله مختارينك علم و خبري بالكرز هادي معلومات قيلندن نظره آله بيلير. و فقط اقامتگاهي مجهول عدايمك ايچون بو علم و خبر لازم اولماديغي كي چوق كره كافي ده تلقى اولنما ايدر.

بزم احكام قانونيه مزه كورده مدعي ويا مباشر يالان افاده لر ايله ويا بعض تفصيلاتي كتم ايدرك اقامتگاهك مجهوليتي قرارينك و يرلسنه سبب اولمشر ايسه مشولدر لر. فقط بوتون تفصيلاتي اولديغي كي سويلش لر ايكن محكمه، بو تحقيقاتدن اقامتگاهك مجهوليتي استدلال ايتش ايسه، نه حاكمك ونه ده مباشر و مدعينك مسؤوليتي لازم كديكي ظن ايدر. مع مافيه حقسز يره دعوا ايدن مدعي به قارشي دعوتيه دن خبردار اولمايان مدعي عليهك حال سابقه ارجاع طلبنده بولوناييله چكني ظن ايدرم. يكي حقوق اصول محاكمه لري شرحه مزه مراجعت ماده: 167 نومرو: 2 فقط پارس محكمه سنك تدقيق ايتديكي حاده ده اولديغي كي مدعي عليه، خبردار اولقسزين عليهنه حكم و بريلوب ماللري صائلش اولورسه احاله قطعيه قرارينك بو سبيله فسخي ممكن دكلدر. مدعي عليهك حقسز يره تعقيبات اجرا ايتش اولان مدعين ضرر وزيان طلبندن باشقه مراجعت ايدم بيله چكي واسطه يوقدر

حقوق فاكولته سي مدرسلرندن

مصطفى رشيد

يازان: خزينه و مسكرات انحصار اداره سي و كيللرندن

آووقات: عثمانه نوري

تورك وطنداشلفي قانونه

عالمه نرقيقد

تورك وطنداشلفي حقوق

تشكيلات اساسيه قانونمذك 88 نجى ماده سنده توركيه اهاليسنه دين و عرق فرقي اولقسزين وطنداشلق اعتباريله تورك اطلاق اولنديني بيان ايدلدكن صوكره توركيه ده ويا خارجه بر تورك بابانك صلبندن طوغان و يا خود توركيه ده متمكن بر اجني بابانك صلبندن